

نیویارک دے شہریاں نوں COVID-19 دی ویکسینز بارے کیی جانن دی لوڑ اے

ویکسینز زندگیاں بچاندیاں نیں۔ جیدوں تسی ویکسین لوا لیندے او، تسی اپنے آپ نوں COVID-19 توں محفوظ کرن وچ مدد دیندے او اتے اپنی کمیونٹی نوں بھر محفوظ بناندے او۔ نیویارک شہر (NYC) سب نوں محفوظ اتے صحت مند رکھن لئی پُر عزم اے۔ ایڈے وچ ایہہ پک کرنا کہ ویکسین تیکر رسائی منصفانہ اتے مساوی اے اتے لوکاں نوں ویکسین لوان بارے باخبر فیصلے لین لئی ضروری جانکاری فراہم کرنا شامل اے۔

کیی ویکسینز کم کردیاں نیں؟

- COVID-19 دیاں ویکسینز خوراک اتے ادویات دی انتظامیہ (Food and Drug Administration (FDA)) ولوں ہنگامی ورتارے لئی منظور شدہ نیں، تے COVID-19 دی شدید بیماری، ہسپتال وچ داخل ہون اتے موت توں لوکاں نوں بچان وچ بہت موثر ثابت ہوئیاں نیں۔

کیی ویکسینز محفوظ نیں؟

- جی ہاں۔ تہانوں ویکسینز توں COVID-19 نہیں لگ سکدا۔ ویکسینز وچ اوہ وائرس نہیں ہوندا جیہڑا COVID-19 دا کارن بندا اے۔ ویکسینز تہاڈے جسم دے مدافعتی نظام نوں وائرس نال لڑنا سیکھاندیاں نیں، تاں جے تسی COVID-19 دا شکار ہوو تے اونہوں معلوم ہووے کہ ایہہ کیداں کرنا اے۔
- ویکسینز وڈیاں ڈاکٹری پڑچولاں وچوں لنگھیاں نیں جیہناں وچ وکھو وکھ عمران، نسلان اتے قوماں دے لکھاں لوکیں رلتی سن۔ اونہاں پڑچولاں دے نتیجیاں دا FDA اتے خود مختار تنظیمان نے بغور جائزہ لیا اے۔

ویکسینز اینی چھیتی کیداں بن گئیاں؟

- COVID-19 دی ویکسین دے بنن وچ بہت سارے غیر معمولی ذرائع شامل سن۔ لکھاں ڈالر لگے نیں اتے دنیا بھر توں سائنسداناں نے ان تھک کم کیتا اے۔
- سائنسداناں نے بھر ویکسینز تے ہون آلی دہائیاں دی تحقیق نوں ورتیا اے، بشمول بھر کورونا وائرسز لئی ویکسینز تے ہون آلی تحقیق۔

کیی ویکسینز دے کوئی مضر اثرات وی نیں؟

- ہاں، بہتے لوکیں مضر اثرات دا سامنا کردے نیں۔ عمومی مضر اثرات تہاڈی بانہہ جیتھے تہانوں شاٹ لگی اے اوتھے پیڑ، سر پیڑ، جسم وچ پیڑ، تھکیواں اتے تاپ نیں۔
- جے تہاڈے کوئی وی سوالات یا خدشے نیں، تے 311 تے کال کرو یا اپنی صحت دے فراہم کار نال رابطہ کرو۔
- مضر اثرات ناخوشگوار ہو سکدے نیں، پر عمومی طور تے اوہ صحت لئی خدشہ نہیں ہوندے اتے 24 توں 48 گھنٹیاں وچ مُک جاندے نیں۔ ایڈے برعکس، COVID-19 صحت لئی بہت وڈا خطرہ اے اتے صحت لئی طویل مدتی پیچیدگیاں، ہسپتال وچ داخل ہون اتے موت دا کارن بن سکدا اے۔

ویکسین کون لوا سکدا اے اتے ایدے تے کیی خرچہ ہووے گا؟

- نیویارک دے 16 وریاں اتے ایدے توں ودھ عمر دے سارے افراد ویکسین لئی اہل نیں۔ اوہ لوکیں جیہڑے ریاست توں باہر رہندے نیں پر نیویارک وچ کم کردے یا پڑھدے نیں اوہ وی ویکسین لوان لئی اہل نیں۔ ملازمت دی بنیاد تے اہل لوکاں وچ بامعاوضہ اتے بلامعاوضہ دوئیں کارکنان شامل نیں۔ بور جانکاری لئی، nyc.gov/covidvaccine ملاحظہ کرو۔ سارے اہل گروپس دی فہرست لئی، nyc.gov/covidvaccinedistribution ملاحظہ کرو۔
- ویکسینز مفت فراہم کیتیاں جاندیاں نیں۔ جے تہاڈی انشورینس اے، تے اونہوں بل کیتا جا سکدا اے پر تہاڈے کولوں ادائیگی وچ تہاڈا حصہ یا کوئی بور فیس چارج نہیں کیتی جاوے گی۔
- ویکسین لوان لئی تہانوں اپنی امیگریشن دی حیثیت ظاہر کرن دی لوڑ نہیں اے۔ ویکسین لوانا تہانوں "پبلک چارج" نہیں بنائے گا یا تہاڈی امیگریشن دی حیثیت توں متاثر نہیں کرے گا۔

کیی میری رازداری محفوظ اے؟

- جیدوں تسی ویکسین لواندے او، تے تہاڈی رازداری محفوظ رکھی جاوے گی۔ تہاڈی ذاتی جانکاری دی رازداری دا پک کرن لئی سخت قنون بنائے گئے نیں۔

میں ویکسین کتھوں لوا سکدا آن؟

- اپنے صحت دے فراہم کولوں پڑتال کرو کہ کیی اوہ ویکسینیشن پیش کر رہے نیں۔
- اپنے نیڑے سائٹ لبھن اتے اپائنٹمینٹ لین لئی nyc.gov/vaccinefinder ملاحظہ کرو۔ تسی NYC رن سائٹس تے اپائنٹمینٹس لئی 877-829-4692 تے کال وی کر سکدے او۔

جے مینوں COVID-19 ہو چکیا ہووے تے کیی فیر وی مینوں ویکسین لوانی چاہیدی اے؟

- ہاں، کیوں جے COVID-19 دا فیر شکار ہونا ممکن اے، تے تہانوں ویکسین لوانی چاہیدی اے۔ ویکسینز محفوظ نیں اتے تہاڈے جسم وچ پہلاں توں بنائی ہوئی حفاظت نوں بڑھوتری دے سکدیاں نیں۔

جیدوں میں ویکسین لوا لوان، تے کیی میں سماجی فاصلہ بندی اتے منہ ڈھکن آلی شے نوں پانا ختم کر سکدا آن؟

- نہیں۔ جیدوں تیکر بور لوکاں نوں ویکسین نہ لگ جاوے اتے جیدوں تیکر COVID-19 دے پھیلاؤ تے ویکسینز دے اثر نوں بہتر سمجھ لین وچ سانوں بور وقت نہ مل جاوے اودوں تیکر تہانوں احتیاط دی لوڑ اے۔ سب نوں ویکسین لوان توں بعد وی روک تھام دے کلیدی اقدامات تے عمل کردے رہنا چاہیدا اے۔
- جے ہمار او تے گھر رہو۔
- دوجیاں توں گھٹ توں گھٹ 6 فٹ دا فاصلہ بنا کے رکھو۔
- جیدوں گھروں باہر جاؤ تے منہ ڈھکن آلا نقاب پاؤ (اپنے منہ اتے نک دے اوتے)۔
- اپنے ہتھانوں نوں صابن اتے پانی نال کثرت نال دھوو یا الکحل تے مینی ہینڈ سینیٹائزر ورتو۔

ایہہ سمجھ آن آلی گل اے کہ واہوا لوکیں ویکسین لوان بارے غیر یقینی دا شکار نیں یا اونہاں دے بور سوال ہو سکدے نیں۔ بور جانن لئی، اپنی نگہداشت صحت دے فراہم کار نال گل کرو، 311 تے کال کرو یا nyc.gov/covidvaccine ملاحظہ کرو۔

